

DE PHLEGMASIA SEROSA.

DISSERTATIO INAUGURALIS MEDICO-
CHIRURGICA

QUAM

CONSENSU AMPLISSIMI MEDICORUM
ORDINIS

IN

UNIVERSITATE CAESAREA LITTERA-
RUM DORPATENSI,

UT GRADUM

DOCTORIS MEDICINAE

RITE ADIPISCATUR

LOCO CONSUETO PUBLICE DEFENDET

AUCTOR

EDUARDUS JOANNES DE HUEBSCH-
MANN,

CURONUS.



MITAVIA,
EX OFFICINA J. F. STEFFENHAGEN ET FILII.
MDCCXXV.

Imprimatur

ea tamen conditione, ut, simulac typis excusa fuerit disseratio, septem exemplaria collegio, cui librorum censura est, tradantur.

Dorpati Livonorum die XXIX. Aprilis
Anni MDCCCXXV.

Dr. L. A. Struve,
h. t. Decanus.

D16739

VIRIS PRAENOBILISSIMIS

JOANNI CHRISTIANO DE MOIER,

MED. ET CHIRURG. DOCTORI A CONS. COLL. ROSS.

CHIRURG. P. P. O. ETC.

LUDOVICO DE STRUVE,

MED. ET CHIRURG. DOCTORI A CONS. AUL. ROSS.

THERAPIAE P. P. O. ETC.

NEC NON

Introductio.

PRAECEPTORIBUS

PRAESTANTISSIMIS MAXIMEQUE
COLENDIS

HOC PRIMUM LITTERARUM SPECIMEN

GRATI ERGA ILLOS ANIMI DOCUMENTUM ESSE VOLUIT

AUCTOR.

Duorum morborum decursus, a me in nosocomio hujus literarum Universitatis, observatus atque mox recensendus, ansam praebuit huic dissertationi, mihique occasionem obtulit morbi cuiusdam imaginem adumbrandi, quem, quod sciam, in libris auctorum medicorum manualibus memoratum frustra quaeſiveris, quamvis idem pluribus aliis valde sit adfinis. Hanç ipsam forsan ob causam ejus describendi labore supereddendum putarunt, neque mirum quod, in tanta istorum phaenomenorum raritate, ignotus fere hucusque permanserit. Spero itaque fore, ut opera ea, quam morbo huic delineando impendam, haud ingrata videatur, cum argumentum mihi tractandum proposuerim haud vulgare, sed novitate quadam potius commendabile.

Expositionem vero qualemcumque vel excusationem postulare mihi videtur nominis, quo ad designandam hanc valetudinem usus sum, ratio.

Phlegmasiam serosam eam vocavi, nomen morbi, indoli ejusdem, quae in inflammatione serosa versatur, uti postmodum demonstrare studebo, accommodaturus. Ad inflammationis notionem exprimendam, Hippocrates *a)* tria adhibuit vocabula, φλεγμωνήν scilicet, φλογώσιν et φλεγμασταν, sed alternatim et promiscue iis utitur, neque variis hisce vocabulis diversas inflammationis species indiget. Recentioribus vero medicis placuit inflammationem quamque vehementiorem ac mire arteriosam φλεγμωνήν exclusive denominare; quocirca hanc denominationem ad inflammationis non arteriosae speciem insigniendam minus idoneam arbitratus sum. Φλογώσεως nomine abstinui, quia nunc temporis parum usitatum et fere incognitum est. Omnibus praferendum putavi φλεγμασταν vocem, qua inflammationem mitiorem cum charactere exsudativo significare jam diu consuevimus. Ut vero magis morbi nostri natura patescat, epitheton adjunxi, peculiarem ejus proprietatem definitius indicans.

Quod denique duae tantummodo similis aegritudinis historiae mihi suffecerint ad novae morbi formae adumbrationem tentandam, id velim

mihi ignoscas, candide lector! Excusationis gratia afferre me patiaris, tum morborum ipsorum, quos tractavi, memorabilem decursum, tum hanc meam qualemcumque commentatiunculam conscribendi negotium haud diutius a me potuisse prorogari.

Prima morbi historia.

Joannes rusticus nationis Esthonae, e pago sic dicto nigro oriundus, constitutione gaudens valida et sano corporis habitu, quadragesimo aetatis anno, die XII. Septembris anni MDCCCXXIV. in nosocomium Universitatis literarum Dorpatensis receptus, per viginti jam et quinque annos hernia scrotali lateris sinistri, cuius ambitus duos aequavit pugnos, laboraverat. Haec vero, quamvis satis ampla et suspensorio solummodo linteo suffulta, parum ei molestiae adtulit vel incommodi. Aegrotus ante tres hebdomades, post frigus, e meatu per totum diem continuo in palude et somno in terra humida, corpore exceptum, dolores vehementes ac pungentes in latere scroti sinistro senserat, proximo vero die tumorem ejus calidum et rubrum animadverterat, qui ex illo inde tempore perpetuo increscetabat.

a) Oeconomia Hippocratis, alphabeti serie distincta.
Anutio Foësio auctore. Francof. A. MDCXXXVIII.

Jam aegroti conditio ita se habuit: totum latut dextrum scroti omnino sanum reperiebatur, item testis ejusdem lateris; in latere sinistro hernia, supra jam memorata, apparebat, facillimo negotio per annulum abdominalem, maxime dilatatum et in foraminis aperti formam mutatum, reponenda; pone saccum herniosum funiculus spermaticus situs erat; testis lateris sinistri tactu explorari non poterat. Hernia superiorem et exteriorem partem scroti occupabat, partem inferiorem constituebat tumor quidam ultra partem medianam superioris femoris descendens; durus ille, calidus, rüber neque valde dolens, magna venarum varicosarum copia intertextus et latere interno raphe cinctus. Paulo ultra dimidium tumoris locus elatior magisque dolens, cuius diametrum duorum pollicum magnitudinem continebat, cum fluctuatione manifesta, conspiciebatur; idem margine duro circumscriptus erat. Fundus loci hujus fluctuantis, tactu exploratus, soveolae haud profundae similis videbatur. Glandulae inguinales lateris sinistri tumidae, durae paululumque patibiles se exhibebant. Simul febris modica, inde a morbi initio orta, ad hunc usque diem perduraverat.

Num tunica dartos hanc inflammabilem scroti affectionem participaverit, minus quidem erat

manifestum, sed verosimile. Testem autem ipsum sanum esse, e modico totius tumoris dolore intelligere licebat.

Loco fluctuanti hirudines sex imponere; totum tumoris ambitum fomentationibus frigidis obtegere; inter potum aegroti per totum diem unciam unam tremoris tartari miscere et pro cibo portionem in nosocomio nostro dimidiam dictam ^{b)}, ei porrigerre, jussum est.

Die XIII. Septembris tumor decreverat, alioquin nil novi animadversum, itaque adhibitio tremoris tartari et fomentationum frigidarum continuata praecipiebatur.

Die XIV. Septembris idem status reperiatur, nisi quod hodie testis sinister haud perspicue in posteriori et superiori tumoris latere percipi poterat.

Die XV. Septembris tumor ad duas tertias propemodum diminutus conspiciebatur, locus fluctuans magnitudinem ovi columbini referebat

^{b)} Portio dimidia continet: in prandium, libram unam juscui e carne, aut alica avenacea, aut lacte parati; in coenam meridianam, libram unam juscui e carne cocti, adjectis oryza, aut ptisana aut oleribus, et uncias tres carnis coctae vel uncias duas carnis assae; vespera, libram unam juscui, e carne parati, adjectis oleribus vel alicis. His additur libra una panis cibrati.

minusque dolebat; reliquae tumoris partes dolorem fere nullum sentiebant, et parum tantummodo ardoris ac ruboris, pristinam vero duritiem non mutatam ostendebant. Febris plane soluta. Ad herniam perpetuo retinendam et resorptionem exsudati, (e quo sine dubio tumor pendebat) promovendam, pressione continua in tumorem opus esse censebatur, quem in finem is sacculo e linteo crassiori confecto, insuebatur. Simul adhibitionem tremoris tartari et fomentorum frigidorum continuare visum.

Die XVI. Septembbris tumor ita decreverat, ut sacculus per totam suam longitudinem ad pollicis dorantern insui posset; locus fluctuans mollior et magis vacuus apparebat. Vesiculae parvae magnitudinem grani miliarii aequantes, fluido luteo oppletae subpellucidae, hic illic in superficie tumoris inveniebantur. c)

Die XVII. Septembbris iterum sacculus, quo ad totam suam longitudinem, ad dimidiam pollicis partem insui poterat. Vesiculae plures adhuc ortae erant. Testis lateris sinistri in tumoris parte superiori et inferiori tactu distincte percipiebatur.

c) Ubi in relatione diurna historiarum hujus morbi remedia singula non indicantur, semper diei antecedentis remedia adhibita sunt.

Die XVIII. Septembbris sacculus ad dimidium pollicis insuebatur, vesiculae nonnullae ruptae, parva loca excoriata reliquerant. d)

Die XX. Septembbris sacculus ad tertiam pollicis partem insuebatur, loca quaedam excoriata coalita erant, contra vero aliae vesiculae exortae, aliae ruptae reperiebantur. Tumor semper paullum inflammatus, mediocrem duritiem exhibebat. Venae varicosae maximam partem evanuerant.

Die XXI. Septembbris sacculus rursus ad tertiam pollicis partem insuebatur. Locus fluctuans vacuus fere apparebat, magnitudinem nucis avelanae referens, cuticula tenuissima obtectus, per quam fundus tumoris, scrobiculo depressiori similis, animadverti poterat. Vesicularum numerus et locorum excoriatorum diminutus erat.

Die XXII. Septembbris sacculus rursus ad tertiam pollicis partem insuebatur. E loco fluctuante, sponte adaperto, guttae nonnullae laticis lutei puriformis effluxerant. Pellicula hunc locum obtegens evanuerat et superficies excoriata

d) Saepius, in horum morborum historiis, relationes diei unius vel plurium omissae sunt, quia nil memoratu dignum acciderat et in remediorum adhibitione nihil erat mutatum.

concava, cuius diametrum tres vel quatuor lineas complectebatur, remanserat. Dolor glandularum inguinalium, paululum tantummodo tumen-
tium, plane cessaverat.

Hoc modo, remediis supra memoratis continuo adhibitis, tumor quotidie decreverat, donec versus medium Octobrem diminutionis processus locum amplius non habuit. Scrobiculi, qui priorem abscessus locum indigetaverat, jam primis Octobris diebus nullum vestigium appa-
ruit. Vesiculae, quae laticem luteum, antea memoratum (qui propter exiguum copiam accu-
ratori indagationi subjici non poterat), excreve-
rant, paulatim crustulis obtegebantur, quibus defoliatis nullae amplius visae sunt, sensimque earum regeneratio omnino cessavit, quod contigit simul cum desinente tumoris dimi-
nutione.

Die XV. Octobris. Tumor nunc ad quartam amplitudinis prioris partem reductus, nulla jam inflammationis signa prodidit. Ad novam excretionem exsudati provocandam, scarificationes duae in superficie anteriori et inferiori tumoris factae sunt, e quibus initio sanguis, fluido seroso quam maxime permixtus, postremo vero serum tantummodo luteum emanavit. Duabus horis peractis, effluvia omnia cessarunt. Versus

tempus vespertinum in parte tumoris inferiori dolores sentiri coeperunt.

Die XVI. Octobris. Tumor amplior, ejus partis inferioris dimidium dolores pati et paulum inflammatum esse apparebat.

Abacessus in profundo oriri videbatur; loca scarificata coaluerant. Sacculo, quo hucusque tumor comprimebatur, remoto, fomentationes solummodo frigidae adhibitae sunt.

Die XVII. Octobris plura prodibant signa gastrica, capitis dolor, sapor amarus cum lingua pura, praecordiorum oppressio; febris nulla. Dolores in tumore paulum remiserant; in tumore ipso loci duo molliores fluctuantes, accuminati apparebant. Quorum inferior, in media totius tumoris parte fere situs, lanceola adapertus, libras circiter duas materiae fluidae, fuscae, nul- lius odoris, nonnullis coagulati sanguinis gru- mulis commixtae, cum maximo aegroti levamine excrevit. Effluvio hoc copioso tumor valde diminutus erat, et tensione ejus simul sublata, praecipue indicatum esse videbatur, partes laxas esse roborandas et ad contractionem majorem compellendas; quem in finem fomentationes e decocto quercus adhibitae sunt.

Die XVIII. Octobris ex abscessu aperto fluidum luteum turbidumque, parva quidem

copia, sed continuo effluxerat. Signa gastrica laxativo refrigerante, e sale neutro parato, adhibito, evanuerant.

Die XIX. Octobris fluidum illud luteum continuo quidem, sed minima quantitate, emanaverat. Locus mollis et fluctuans in superiori tumoris parte accuminatus magis conspiciebatur.

Die XXI. Octobris abscessu superiori lanceola adaperto, iterum dimidia libra puris, sanguine commixti, excreta erat.

Ambobus ex abscessibus nunc fluidum luteum illud et turbidum continuo parvis quantitatibus effluxit, quo effluvio tumor magis magisque diminutus est, ita quidem, ut die XXVI. Octobris pugnorum duorum magnitudinem tantum aequaret. Die XXVII. Octobris abscessus inferior clausus erat.

Die XXIX. Octobris. In loco, ubi abscessus prior apparuerat, sub cutem foveola fluctuans animadversa est, et cicatrice specillo cavo adaperta, fluidum flavum, pure commixtum, emanabat. Specillo explorabatur, abscessum ad fundum usque inferiorem tumoris porrigi. Hoc loco contra-apertura facta, tres circiter unciae laticis memorati emissae sunt. Qua ex contra-apertura et ex superiori abscessu, effluvium illius laticis per tempus quoddam perduraverat. Die

XXXI. Octobris abscessus superior et die II. Novembris contra-apertura clausa erant; tumor tantummodo magnitudinem pugni referebat, sine omni inflammatione. Glandulae inguinales pauculum adhuc intumuerant.

Hoc in statu, subligaculo idoneo instructus, aegrotus, acri larium suorum desiderio laborans, ut precibus ejus enixa obtemperaretur, die V. Novembris e nosocomio dimissus est.

Secunda morbi historia.

Anna, rustica Esthona, e praedio Sahrenhof, constitutione robusta ac valida gaudens, quadragesimo secundo aetatis anno in nosocomium recepta est. Ante duodecim annos infantem pepererat et viginti mensium spatio, lacte suo nutriverat. Dein in villa nobilis cujusdam per annos nonnullos nutricis officio functa erat; postea etiam in eodem praedio vitam nutricum luxuriosam ad hoc usque tempus produxit. Menstruatio ejus semper parca quidem, sed regularis fuerat, duos vero abhinc annos parcior apparuit. Ante tres annos aegrota nodulum durum, sed haud dolentem in mamma sinistra animadverterat, cuius vero situm accuratius describere non valuit, quod, in tanta rusticorum nostrorum

indolentia, nemo mirabitur. Haec induratio in profundo sentiebatur, sana quidem cute exteriori. Anni spatio elapso, quo tempore tumoris amplitudo paululum increverat, idem doloris sensum afferebat, cutis, rubro colore infecta, incaluit, mobilis nihilominus et mollis permanxit; ultimo demum anno cutis dura et immobilis facta est: quam quidem in pejus mutationem aegrota lotioni magnae linteorum copiae cum aqua frigida attribuit. Simul dolores, antea remittentes, in mamma continuo sentiebantur.

Die XXVII. Septembris, receptionis tempore, aegrota in universum satis bene se habuit, febris tantummodo mitis, exiguis cum exacerbationibus vespertinis, adfuit. Mamma sinistra tumida, octies vel decies dextra sana major, cuius circumferentia in basi ad duodeviginti pollices ascendebat, caput virile amplissimum magnitudine superans, calida erat, subrubicunda in superficie, universim debilis, paululum iniqua, alioquin aequabilis; digito pressa nullam accepit foveolam. Dolores in tumore prementes sine magna erant vehementia, pressione vero externa augebantur. Magis aegrota dolorem tractorium a mamma inde usque ad fossam axillarem querebatur, ubi glandulae nonnullae lymphaticae paulum induratae et tumidae inventae sunt. Hoc in

mammae statu, manifesto inflammabili, aegrotae laxativum temperans propinabatur; praeterea adhibitae sunt quinque guttae tincturae jodinae bis quotidie, propter vim ejus vegetationem organismi in genere, praecipue vero mammarum specifice, minuentem; frigidae etiam fomentationes, loco inflammato impositae sunt. Pro cibo aegrota quartam portionis vulgaris partem accepit. e)

Die XXX. Septembris. Febris leniter continuatur. Dolores in mamma fomentis frigidis augeri videbantur, quapropter remota sunt et hirudines sex circa areolam papillae applicatae. Tincturae jodinae usus repetitus est.

Die V. Octobris. Febris leniter perduraverat, accessere signa gastrica, appetitus deletus, lingua sordida, sapor depravatus, alvus obstructa, dolores colici. Tumor mammae decrescere coepit; contra vero dolores tractorii ad fossam axillarem aucti. Praeterea tumores duo apparebant, duri, calidi, rubri, valde dolentes, alter infra bra-

e) Quarta portionis pars constat: in prandium ex semilibra jusculi e carne, aut alica avenacea, aut lacte parati; in coenam meridianam, ex semilibra jusculi e carne parati, adjectis oryza, aut ptisana, aut oleribus; vespere ex semilibra jusculi e carne aut alicis aut lacte parati. His additur semilibra panis triticei in singulos dies.

chium, alter antrorum magis. Glandulae axillares ipsae nunc magis dolebant quam antea. Ob signa gastrica, aegrota laxativum ex unciis duabus natri sulphurici accepit. Simul tinctura iodinae remota est.

Die VI. Octobris febris et tumores infra brachium auctae sunt, tumor autem mammae manifesto decreverat. Infra papillam mammillarem in unius et dimidii pollicis distantia, vesicula flava, pellucida apparet. Propter characterem febris rheumaticum, aegrotae mixtura diaphoretica ex unciis sex infusi florum sambuci et uncia una liquoris Mindereri praescribebatur.

Die VII. Octobris febris vehementia par hesternae erat; nova apparebant signa gastrica, appetitus defectus, capitum dolor, praecordiorum oppressio, lingua muco flavo obiecta, sapor amarus, sitis valida, horripilationes quoque saepius accessere. Status mammae non mutatus. Aegrotae emeticum propinabatur, cuius effectu haud parum sentiebat levaminis.

Die VIII. Octobris febris modica, status mammae idem; aegrota mixturam accepit dia phoreticam supra memoratam.

Die X. Octobris febris vehementior, signa gastrica, sensus tensionis in regione lumborum, dolores colici mitiores, crebri flatus. Vesicula

infra papillam mammillarem sita, nocte erupta, magnam fluidi flavi et pellucidi copiam excreverat, ita ut spleniolae octies contortae, penitus mafactae, cum aliis ter mutandae essent. Hinc induratio mammae in circuitu pollicis unius et dimidii circa vesiculam, praecipue in latere interiori, admodum diminuta conspiciebatur. Tumores infra brachium incrementales vel magis rubuerunt et doluerunt. Ob signa gastrica remedium laxans adhibitum est, quod aegrotae multum levaminis adluit, praecipue vero febrem mitigavit.

Die XI. Octobris febris mitior; excretio copiosa fluidi lymphatici e vesicula; mammae tumor diminutus. Mixtura diaphoreticam, et infusum florum chamomillae pro potu aegrota accepit.

Die XII. Octobris febris mitis; e vesicula, cuius osculum specilli usum haud admisit, latex flavus continuo effluebat; simul tumor in proximo circuitu, praecipue autein in latere mammae interiori emolliebatur et in statum propemodium normalem transiit. Illius fluidi uncia una horae dimidiae spatio, vitro excepta est, quo facta, post horam dimidiam elapsam, in medio fluidi, dimidiam fere partem coagulati, massa quaedam solidior et bullosa formata est, cuius cellae tenuissimae latice flavo repletae erant. Investiga-

tione chemica compertum est, laticem illum fere totum ex albuminoso constare. Tumores infra brachium, vehementer inflammati, magnopere dolebant; quare hirudines sex eis impositae sunt.

Die XIII. Octobris febris propemodum soluta, effluvium e vesicula parcus, quae subinde crustula flava, cornea fere, obtegitur, qua remota, latex denuo, quamvis parce effluit. Tumores infra brachium molliores, accuminati.

Die XIV. Octobris febris mitissima, latus mammae interius molle, exterius oedemati duro simillimum.

Die XV. Octobris febris mitis, diarrhoea; vesicula, crustula obducta, fluidum excernit nullum, quapropter scarificationes duae sunt factae, e quibus primis horis multum fluidi flavi effluxit; mox vero coaluerunt. In tumore inflammato posteriori, infra brachium sito, bulla satis magna orta est, flavo illo latice repleta.

Die XVI. Octobris. Crusta a vesicula infra papillam mammillarem delapsa, denuo ex ea fluidum stillavit, diarrhoea modice perduravit. In tumoribus infra brachium plures bullae magnae flavaeque emicuerant, quarum quaedam ruptae, eundem, quem vesicula infra papillam mammillarem, laticem excernebant.

Die XVII. Octobris. Febris vehementior, bullae omnes in tumoribus infra brachium ruptae sunt, tumores ergo ipsi excoriati. Praeterea in iis apparebant foramina angusta tredecim, e quibus pus flavum, crassum, haud magna quantitate promanavit, quorum foraminum unum tanta erat magnitudine, ut specillum admitteret, quod in abscessum magnum perduxit. Foramen illud lanceola latius apertum libras duas puris flavi, in maximum aegrotae levamentum effudit; quo facto tumores toto in circuitu cataplasmatibus tepidis, suppurationis promovendae gratia, obtecti sunt.

Die XVIII. Octobris. Febris lenissima. Ex abscessibus pus benignum continuo emanaverat; ipsa vesicula infra papillam mammillarem copiose excreverat.

Die XXI. Octobris. Febris mitissima; excretionis e vesicula et modica suppuratione hucusque continuaverant. Hodie magna copia telae cellulosae depravatae ex abscessibus protrahebatur, ipsique abscessus cataplasmatibus, e decocto quercus paratis, obtegebantur.

Die XXIII. Octobris. Febris nulla; latus mammae interius mollitudine statum normalem refert, latus exterius vero, oedematis firmi instar durum. Ex abscessibus infra brachium partes

corruptae et gangrenosae omnes evanuerant; quare tum suppurationis promovendae, tum majoris munditiae causa, cataplasmatibus tepidis obtecti sunt. Excretio e vesicula modice perduravit.

Die I. Novembris aegrota in universum optime se habuit; abscessus infra brachium cicatrice obducti erant; tota mamma sinistra, dextra sana paulo tantummodo major, plane non dolebat; cutis ubique mollis. In lateris exterioris mammae profundo solummodo induratio modica percipiebatur. Vesicula infra papillam mammillarem jam die ab hinc tertio clausa fuit, neque fluidum amplius excrevit.

Die V. Novembris aegrota in universum bene se habuit. Nocte praecedente mamma in toto circuitu paulum dolere cooperat hodieque duriuscula, rubicunda et tumida apparuit.

Die VII. Novembris inflammatio tertii ab hinc dici penitus fere evanuerat, sed vesicula pridie rursus aperta, copiosissime excrenebat.

Die X. Novembris excretio e vesicula copiose perduraverat et affectio inflammatoria evanuerat.

Die XI. Novembris vesicula rursus clausa, mamma rursus inflammari coepit. Osculum ut esset satis magnum et semper ad excretionem fluidi memorati apertum, loco ubi vesicula

sedem habuit, cauterium e lapide caustico, trium linearum spatio, applicabatur.

Die XVI. Novembris. Tumor mammae, qui denuo initium ceperat, valde auctus erat. Crusta gangraenosa, e cauterio ortum ducens, hodie decidit, sed excretio sperata copiosior fluidi haud apparuit; nihil amplius excretum est.

Ab hoc inde tempore tumor mammae, e loco indurato ac paulum dolente, in exteriori latere sito, procedens, sensim sensimque increvit et totam denuo mammam in consensum traxit, ita ut medio Decembri tumor eadem esset amplitudine, qua eo tempore fuerat, quo aegrota in nosocomium recepta est. Sub hoc tempus tumor in universum parum inflammatus erat; in latere exteriori locus conspiciebatur paulo elatior, durior et patibilior quam reliquus tumor. Praeter morbum localem vero, nullae molestiae aderant.

Die XVIII. Decembris. Quum tumoris inflammatio vel nunc valde esset exigua, et, secundum prioris decursus analogiam, suppuratione in tumore expectari posset, remedia externa incitantia adhibere decretum est; quibus inflammatio et suppuratione promoverentur, et sanatio acceleraretur. Hunc in finem cataplasmatibus prioribus tepidis radix allii sativi

in frustula secta assaque, et mel admixta sunt.

Die XXIII. Decembris. His remediis incitantibus adhibitis, tumor brevi tempore auctus magisque inflammatus est. Cicatrix, e punctione hirudinis cujusdam, prius applicatae, orta, rupta erat et per duos dies laticem flavum, saepius memoratum, quamvis parce, effudit. Postmodum cicatrix clausa rursus est.

Die XXVI. Decembris. Mamma paulatim in statum inflammatorium vehementiorem transierat. Pridie, tempore vespertino, febris cum horrore et frigore validissimo incipiens, apparuerat.

Die XXVII. Decembris. Febris perduraverat, sitis valida, lassitudo magna, mammae tumor dolorque auctus. Tumor ipse mollior, gravius pressus, foveolam accepit; superficies ejus pellucida. Ad febrem mitigandam, aegrota jussa est cremorem tartari inter potum sumere. In parte mammae inferiori scarificationes nonnullae factae sunt; e quibus per aliquot horas fluidum illud lymphaticum copiose effluxit. Vesperem versus scarificationes coaluerant.

Die XXVIII. Decembris. Febris modica. Mamiae dolor tumorque auctus.

Die XXIX. Decembris. Febris vehementior, dolores tractorii omnium artuum, capitis dolores

vehementes in regione frontis et bregmatis, signa gastrica, tumor mammae auctus, dolores autem imminuti. Aegrota mixturae e granis duobus tartari emeticici et unciis sex aquae foeniculi compositae, quovis bihorio cochlear unum accepit. Quum autem, dose secunda accepta, vomitus oriretur biliosus et vehemens, omni trihorio cochlear unum tantummodo ei propinatum est. Vesperi febris mitior.

Die XXX. Decembris. Aegrota somno satis jucundo gavisa est, febris modica, dolores capitis mitiores. Tumor mammae amplissimus duplicitis fere molis erat, cum ea scilicet comparatus, quam tempore receptionis in nosocomium habuerat; maxime autem inflammatus, parum dolebat.

Die XXXI. Decembris. Febris modica, calor exiguius, sitis valida, lassitudo magna, dolores capitis et artuum nulli. Tumor mammae parum dolens per noctem quoad quartam circiter partem diminutus. Vesperem versus, ubi febris exacerbatio modica apparuit, aegrota magnam manus sinistram debilitatem querebatur.

Die I. Januarii. Febris vehementior cum propensione ad characterem nervosum; sitis mirum in modum valida, tumor mammae inflaminatus et dolens, cuius amplitudo manifesto

decreverat, et multo quidem citius quam nonnullos nante dies auctus erat. Extremitates lateris sinistri paralysi penitus solutae.

Die II. Januarii. Febris vehemens, magna aegrotae inquietudo, capitum dolor moderatus, tumor mammae multum diminutus, status paralyseos immutatus. Aegrota, ob febrem nervosam, mixtum, e Valeriana paratam f), accepit. Praeterea ad revocandam inflammationem tumoris priorem, sinapismus mammae impositus est; denique si cerebrum fortasse affectum foret, ut ab eo derivaretur, vesicatorium eidem in nucha applicatum.

Die III. Januarii. Febris manifesto nervosa, magna aegrotae inquietudo, capitum dolor lenis, status paralyseos haud mutatus, vesicatorium magnas vesicas eduxit; sinapismus, mammae impositus, cutem valde rubefecit, nulla autem tumoris amplificatio animadvertiscenda. Usus infusi Valerianae continuabatur et alternativus, crescentis debilitatis causa, pulvri, e camphora et ammonio subcarbonico confecti, adhi-

f) Rp. Radicis Valerianae minoris semiunciam infunde cum aquae fervidae quantitate sufficiente
Colatura unciarum sex adde:
Tincturae Valerianae aethereae drachmas duas,
misce, signa: omni bihorio cochlear unum sumatur.

bij sunt. g) Sinapismus mammae iterum applicatus et, paralyseos gratia, dorsum, per totam ejus longitudinem ac partes paralyticas, mixtura e partibus tribus liquoris Ammonii caustici et parte una spiritus saponis composita, octies per diem inungi et fricari jussum est, donec partes memoratae leviter rubuerint. Vesperem versus, febre exacerbata, aegrota paulum deliravit et urinam inscia emisit. Excretio alvi normalis pridie locum habuerat.

Die IV. Januarii. Febris et paralyseos continuatio, status soporosus, sudores capitum copiosi; aegrota linguam exserere amplius nequivit. Sinapismis tumor excoriatus, minime vero auctus est. Vesperem versus aegrota graviter spirare coepit, horaque nona et dimidia elapsa, animam efflavit.

Sectione cadaveris hujus mulieris octavo Januarii die instituta, sequentia reperta sunt:

Stratum adipis copiosissimi sub cute, praesertim in regione abdominis; cranium normale, item encephali cum meningibus suis conditio adspectu normalis; cerebrum admo-

g) Rp. Ammonii subcarbonici grana quatuor,
Camphorae grana duo,
Sacchari albi grana decem,
misce, fiat pulvis, signa: omni bihorio pulvis unus sumatur.

dum molle; guttae nonnullae seri sanguinei in ventriculo cerebri sinistro; exulceratus totus ventriculus cerebri dextri plexusque choroideus ejusdem lateris; thorax angustus; pulmones parvi, molles, nigri, hic illic pleurae adhaerentes; pericardium copioso adipe munitum ejusdemque in cavo paululum seri; cor exile, laxum et languescens; cavum abdominale satis amplum; ventriculus et tractus intestinalis normales; hepar maximum, librarum octo et dimidiae ponderē, ita marcidum et confectum, ut, modica digitī pressione tactum, rumperetur; lien multo adhuc confector, niger, amplius; omenta, mesenterium et mesocolon adipe penitus repleta; lipoma mobile in superficie superiori uteri, cuius magnitudo diametrum pollicis unius aequabat; hic illic venae varicosae; cutis, mammam aegrotam obtegens, indurata, tendinosa, cartilaginea, adeps interjectus solidus ac globosus; ipsa glandula mammillaris similiter indurata, minus tamen quam cutis; tunicarum adiposarum et muscularum infra mammam status normalis. Existimamus, febrem, versus diem XXVI. Decembris ortam, inflammatione tumoris provocatam: hac vero postea, (die scilicet XXIX.

Decembris), cerebrum per consensum affectum esse (pro qua opinione militat, tum febris aucta vehementia, tum capitis dolor), porro affectum cerebri primo Januarii die in exulcerationem transire coepisse; inde etiam paralysin profectam; hac denique accidente, nervorumque actione impedita tumorem mammae tanta celeritate, gressu retrogrado, decrevisse. Vitam vero, exulceratione in ventriculo cerebri dextro exorta, diutius conservari non potuisse, facilissimo negotio intelligitur, neque omnino demonstratione eget.

Morbis descriptio.

Morbus initium cepit cum induratione in profundo cutis, ubi cellulae ejus maiores partibus penitus sitis adhaerescunt; nil autem morbosī tunc temporis in stratis cutis superioribus, in reti Malpighii et epidermide repertum. Locus induratus paulum tantummodo dolebat; mox autem induratio ambitu amplificata, strata quoque cutis superiora in consensum traxit. (Vide primam morbi historiam.) Potest autem induratio per longum tempus haud mutata perseverare, si morbi causae minimae vim suam exserant, nec potentiae nocentes seriores praesto sint; donec postea tamen serius oxyus illa amplificatio locum

habet. (Vide secundam morbi historiam.) Cum ambitu indurationis dolores quoque tumoris aucti sunt; cutis rubescere videbatur, solito calidior, cumque induratio ad infimas cutis cellulas extenderetur, haec partibus subjacentibus quasi coalita apparebat. In tanta cutis expansibilitate, tumor cito ad eam pervenit amplitudinem, cuius in morborum historia mentionem injecimus: quae amplitudo certe minima ex parte ab inflammatione, praecipue vero ab exsudato pendebat. Tumor durus tactu sentiebatur, scirrho fere similis; interdum etiam pars ejus oedema durum aequabat, pro majori vel minori exsudati firmitate, proque tensione nunc majori nunc minori partium affectarum, ab inflammatione modo crescente, modo diminuta. Glandulas lymphaticas tumidas supra tumorem in ambobus morbi casibus animadvertis; cum vero redeunte aegritudine, in secunda morbi historia visae non sint, symptomatis morbi essentialibus adnumerari nequeunt. Venae varicosae, omnibus magnis tumoribus communes, in nostro quoque morbo haud desunt. Febrem etiam in eodem observamus, non eam quidem per totum morbi decursum perseverantem, sed initio tantummodo apparentem, aut, ut rem exactius eloquar, eo solum tempore, ubi, magni tumoris pressione,

ad priorem serosam, inflammatio mere phlegmoxa accessit. Hac (suppurationis plerumque ope,) extineta, febris quoque solvit; quod eo minus mirandum, quo saepius inflammations serosae sine febre incidentes nobis occurunt, phlegmonosae autem, si modo eujusdam sint momenti, eandem semper provocant. Quod febris in ambobus morbi casibus, a nobis delineatis, tempore receptionis aegrotorum, non mere fuerit inflammatoria, sed magis characterem gastrico - rheumaticum prodiderit, sententiae modo adlatae non adversatur, cum eodem tempore febres gastrico - rheumaticae epidemicae essent, character vero epidemicus, uti in vulgus notum, in morbos sporadicos vim suam semper exserat. Idem valet de febre, in reditu morbi, cuius secunda historia nostra mentionem facit, apparente, quae scilicet mox characterem nervosum induit, quod facillimum est explicatu, si ad characterem nervosum tunc temporis epidemicum atque victimum tenuem, per aliquot menses ab aegrota, prius vitae luxuriosae adsueta, continuatum, respicimus.

Exitus vero, in nostro morbo obvii, variis possunt esse generis:

I. Resolutio sequitur, quando actio finium vasorum secernentium diminuta, e contrario

vero initiorum venarum ac vasorum lymphaticorum efficientia ita quidem aucta est, ut omnia quae secreta sint, paulatim resorbere valeant; qui exitus ex parte in ambabus morbi historiis, praecipue autem in prima apparuit.

II. Suppuratio exitus secundus. Secreto nempe stagnante, partes continentes eo usque extenduntur et afficiuntur, ut inflamatio mere phlegmonosa in illis provo- cetur, quae, causis ejus perdurantibus, solvi non potest, sed in suppurationem et exulcerationem transit. His vero, praeter pus, et secretum illud, et tela cellulosa depravata extruduntur, quo facto abscessus (*causa inflammationis cessante,*) clauditur. Hanc quoque exitus speciem ambabus in morbi historiis observavimus.

III. Quodsi denique justo major copia secreti illius e vasorum finibus in cellulis cutis superficialibus accumulatur, tertia exitus species oritur. Ejusmodi enim secretum, epidermidi duntaxat subjacens, hanc inflat et vesiculam producit, cuius post rupturam, fluidum elabitur, locusque exiguum excoriatus remanet. Jam si vesicula cum ipso exsudati foco conjuncta, et secretum in

hoc satis fluidum est, continua illius secreti destillatio efficitur, qualem in secunda morbi historia memoravimus. Quod hoc in casu excretio modo copiosior, modo parcior extitit, a majori vel minori fluiditate secreti pendere videtur; quae si magna est, latex semper effluit, si autem parva, locus excoriatus nonnunquam crustis obtigitur, quarum originem, propensionem fluidi ad coagulationem respiciens, facile intelligas. Haec exitus species citissime sine dubio tumoris decrescentiam, et, conditionibus praeterea secundis, sanationem adducere poterit, uti e magna utilitate unius vesiculae in secunda morbi historia, haud gravate collegeris. Quodsi vero cellula, in qua vesicula prodierat, cum exsudati foco ipso in contactu non est, aut si forte hic majori firmitate pollet, excoriationes tantummodo parvae remanent, quae, cum partes contiguae paululum omnino exsudent, solito tardius coalescunt. Sanationem eo modo parum promoveri, facile intelligitur, quod e prima morbi historia satis liquet.

IV. Ubiunque abscessus oriuntur, tela cellulosa, eos circumdans, adeo est corrupta,

ut existentiam suam tueri longius haud valeat, sed emoriatur necesse sit. Ejusmodi gangraena modica tantum est, quod ut verbis significaretur, remotionem talis telae cellulosaे gangraenosae, purgationem potius abscessus quam abolitionem gangraenosi denominaverunt. In abscessibus, hoc in morbo obviis, hujus generis gangraena quoque animadvertisit; ceterum gangraena magis explicata et per organa integra propagata ad exitus pertinet hujus morbi, a me huc usque nondum observatos. Contingere vero posset, si partes, tali gangraena affectae, adeo premerentur, ut vi earum vitali exstincta, suppurationem haud amplius locum habeat; porro si dyscrasia putrida universalis adsit et cet.

Alius exitus pariter hucusque non observatus, curatione tamen perversa et cachexia universalis facile praesumendus, transitus est in scirrum. Accurarius vero definire, quibus sub conditionibus exitus ille metuendus sit, in tantis tenebris, naturam scirri involventibus, non audeo; novas autem hypotheses proferre, nec mei est, nec hujus dissertatiunculae.

D i a g n o s i s .

Quum morbus noster, uti postmodum demonstrare conabimur, ab inflammatione pendeat, maxime vero ab inflammatione finium vasorum serosorum, facilissime cum aliis morbis, respectu generis et loci diversis, commutari potest. Talis error quomodo praecaveatur, breviter expoundi operam suscipiam.

Inflammatio mera telae cellulosaे a morbo nostro differt symptomatis in inflammationis multo distinctioribus multoque gravius prodeuntibus, decursu velociori febreque eum comitante, quae nostro in morbo, tum demum accedit, si telae cellulosaе nimia extensione, inflammatio ejus mere phlegmonosa provocatur. Vel respectu exitus, varia discrimina observamus; namque in mera inflammatione nunquam ex parte apparent, sicut in morbo nostro, ubi solutionem, suppurationem, exulcerationem, excretionem exsudati et gangraenam partialeм adesse animadvertisimus. Alius adhuc exitus in mera inflammatione saepius occurrit; oedema scilicet, quod utique quidem in morbo nostro quoque deprehenditur, in eo vero non a morbo ipso, sed ab inflammatione phlegmonosa, certis conditionibus accendentibus, producitur.

Morbi inflammatorii glandularum lymphaticarum a phlegmasia serosa eo distinguuntur, quod praecipue glandularum ipsarum finibus includuntur, telam cellulosam vero contiguam parum tantummodo afficiunt; quare nunquam etiam eam assequuntur extensionis amplitudinem, quam nostro in morbo observavimus. Nunquam illis in morbis tumores reperimus amplos et aequabiles, sane vero singulas glandulas tumidas, vel potius multarum glandularum juxta se invicem sitarum et canalibus lymphaticis secum conjunctarum tumores. Initio rubor externus nunquam apparet, sed levis tantummodo calor tumorque et dolor modicus. Serius demum signa inflammatoria manifesta accedunt, scilicet si tela cellulosa contigua simul afficiatur, quo facto plerumque etiam suppuratione provocatur. Ubi autem non omnis glandularum lymphaticarum plexus, sed vas singulum lymphaticum solummodo inflammat, hocce tanquam funiculus tenuis, filo similis, apparet, qui saepius striam rubram levem, vel singulas maculas rubras, per intervalla conspicuas, in cute gignit, atque saepissime, chordae instar, tensus tactu percipitur.

Nulla, praeter tumorem, signa, inter morbum nostrum et oedema similitudinem produnt, Oedema enim distinguitur tumore molli, ratione

fracida haud circumscripta et semipellucida, temperatura diminuta, extensione plana et aequabili, toto denique decursu, ita quidem, ut commutatio cum morbo nostro locum fere habere nequeat.

Differentia, quae inter phlegmasiam serosam et scirrum obtinet, versatur in magnis hujus et specificis doloribus, in duritate et pondere majori, in forma inaequali, in cachexia universalis, semper fere simul apparente, in exitus denique ratione.

Phlegmasiae serosae satis adfinis est species inflammatoria indurationis telae cellulose; verumtamen sufficiente securitate ab ea distinguitur. Haec enim aetati infantili tantummodo est propria, per magnas cutis regiones propagata, mediocri tumore stipata, parum dolens, rubore plerumque fusco, in lividum colorem transeunte insignis, ambitu suo nullas glandulas tumidas ostendens, semper fere morbo universalis graviori (cum charactere praecipue gastrico vel spasmodico,) comitata incedit.

Propius ad morbum nostrum accedit etiam phlegmasia alba dolens h), sed et ab hac faciliter

h) Conf. R. White: Untersuchung der Geschwulst bei Kindbetterinnen an den unteren Gliedmaßen. Aus dem Englischen von B. W. Seiler. Wien 1802. Commentarius de phlegmatia alba dolente. Auctore J. L. Caspar. Halae.

negotio dignoscitur, forma externa jam discrimina satis exacta nobis suppeditante. Phlegmasia alba in puerperis tantummodo fere conspiciatur, febre vehementi stipata; extremitates inferiores potissimum occupat, maxime dolet, praesertim initio, et contactu externo. Tumor, serius oriens, durus, calidus, tensus, laevis, haud rubens, plerumque per totam extremitatem propagatus, paucorum dierum spatio immanem assequitur amplitudinem.

Prae omnibus autem aliis morbis, noster facilime commutatur cum glandularum morbo, in insula Barbados obvio i). In hoc quoque animadvertisit febris, tumor amplus et inflammatus, nunc durus, nunc oedema referens, telae cellulosa oppletio cum fluido lymphatico, facile coagulante, quod, antecedentibus cutis rupturis, (e nimiâ ejus tensione ortis,) et scarificationibus, emittitur. Itaque ut signa distinctiva melius definiantur, haud alienum videtur, brevem hujus morbi descriptionem adjicere. Secundum Hendyum, primo apparet glandula lymphatica tumida et inflammata, ex qua affectio inflammatoria

latius propagatur ad eas partes, unde vasa lymphatica glandulae inflammatae proveniunt; cui sententiae favent funiculi rubri, inflammati, a glandula incipientes. Tum febris accedit, de cuius charactere Hendyus ambigue loquitur, primum dicens; paroxismus apparere, ab eis, quae in febribus intermittentibus occurunt, haud diversos; dein vero: decursum febris varium esse secundum characterem epidemicum dominantem. Si Hillaryum et Rollonem audimus, febris glandularum inflammationi antecedit, ea, post moram incertam, sudoribus terminatur, his que perdurantibus, tumor inflammatorius iis in partibus, unde vasa lymphatica affecta prodeunt, efformatur. Saepissime glandulae inguinales ac vasa lymphatica, quae ab eis ad genu usque descendunt, inflammantur; inde tumor plerumque in crure conspicitur, initio dolens, postea dolor paulatim cessat. Initio tumor oedematis formam refert, et digito gravius pressus foveolam accipit; postea vero morbique impetu renovato, increscit, indurescit nec digitii pressione fovea amplius producitur. Morbus si prima vice apparuit, tumor, diebus aliquot elapsis, evanescit, si vero saepius jam adfuit, (saepe enim modo irregulari redire solet,) haud inflammatus tumor remanet, et quilibet morbi insultus partem affectam ampliorem

i) Conf. James Hendy und John Rollo: Über die Drüsentränenheit in Barbados, oder über Wilhelm Hillary's Elephantiasis. Aus dem Englischen. Frankfurt am Main. 1788.

relinquit; denique ad immanem fere increscit amplitudinem, qua cutis ita extenditur, ut rup- turae appareant, quae fluidum lymphaticum co- gulabilem emittunt; idem post cutis scarificatio- nem accidit. Cutis, partem affectam obtegens, saepius squamosa. Saepenumero etiam sympto- mata scorbutica in gingiva et palato observata sunt. Itaque decursus febris diversus, glandulae lymphaticae inflammatae, tumor post febrem ortus, initio oedemati similis, postea durus, et frequens morbi regressus signa erunt distinctiva, quibus iste morbus a phlegmasia serosa digno- scatur.

Morbi natura et causa.

Nostrum morbum morbis inflammatoriis ad- numerandam esse, quilibet lector e praecedenti ejusdem historia et descriptione facile intelliget; cur autem serosi nomine insigniatur, exponen- dum restat. Quem in finem, quibus distinguatur symptomatibus inflammatio serosa, (lymphatica quoque dicta,) a mere arteriosa, edisseram.

Inflammatio serosa utique etiam sicuti arterio- sa, sedem habet in systemate vasorum arterioso, hoc tamen discrimine: in posteriori ultimi arteria- rum fines sanguinei, in priori fines vasorum serosi, morbo materiem praebent. Quare haec

inflammatio lenius prodit quam arteriosa; calor, rubor, dolor, tumor in ea modici; in totum syste- ma vasorum arteriosorum, irritabilitatem ejus augendo, et eo modo febrem provocando, haud reagit; decursus ejus multo tardior; remissiones et intermissiones saepius occurunt; terminatur denique solutione vel exsudatione materiae coa- gulabilis: qui exitus inflammationi serosae pro- prius est.

Quod igitur inflammatio serosae sit indolis, naturam morbi nostri constituit; quapropter eum videmus mitius incidentem, sensim sensimque, exigua tantummodo molestias creando, incres- centem. Quodsi jam, exsudatione continuo praedominante, materiarum plasticarum et albumi- nosarum tumor ad tantam pervenit amplitudinem ut eadem tela cellulosa, exsudatum ambiens, ita tensione prematur, ut inflammatio mere arteriosa provocetur, aliam mox formam morbum induere vidimus. Calor, rubor, dolor, tumor et tensio cito et graviter augmentur, febris quoque inflam- matoria non deest; quo facto inflammatio haec phlegmonosa ad exitum suum properat, et, uti compertum nobis est, in suppurationem quam saepissime transit. Causa hujus inflammationis, partium scilicet tensio, perseveranter agit, et sic facile perspicitur, inflammationem solvi non posse;

ad partium autem destructionem et gangraenam efficiendam ista causa non sufficit; hinc hosse exitus multo minori vehementia adparere animadvertisimus. Eo copiosior vero est suppuratione remotione et tælae cellulose, justo magis extensæ, et exsudati, tensionem mox tollit; quo facto abscessus sanatio incipit. Quodsi jam largiamur, morbum nostrum ex his duabus inflammationis speciebus esse compositum, explicatio tamen unius symptomatis superest, tumoris scilicet ratio modo dura et scirrhosa, modo oedemati fere similis. Hic ab exsudato potissimum pendet et praeterea tum solummodo augetur, si inflammatio charactere arterioso induitur. Exsudatum autem non semper sibi constat; atque cum remissionibus et intermissionibus inflammationis serosae variat. Quo gravior et vehementior haec, eo major et nitus formativus et compacta exsudati ratio, eo durior simul tumor; contra, inflammatione serosa diminuta, exsudatum fit liquidius et in formam oedematis durioris mutatur. Contiguitate porro ac consensu partium, vasa quoque resorbentia, et tum venarum tum vasorum lymphaticorum initia afficiuntur eorumque efficientia simul magis minusve turbatur, talique modo resorptio exsudati impeditur; qua ex impedita resorptione tumoris duritiem nunc

auctam, nunc imminutam, partim pendere existimaverim.

De causis morbi prædisponentibus multa proferre haud licet. In ambobus ejus casibus commemoratis, homines, eo correpti, integro robore ac sanitate frui videbantur, nullaque ad morbum opportunitas peculiaris in iis animadverti poterat. Sectio cadaveris vero, secundo in casu instituta, anomalias haud parvi momenti ostendebat, quarum tamen quae in cerebro inveniebantur, morbi potius nostri sequelam esse affirmaverim. Abnormitates vero, in pectore et abdomen obvias, tanquam causas obesitatis permagnæ, forte etiam morbi localis, considerandas esse conjicio. (Natura enim fortasse affectionem universalem systematis vegetativi eo sanare moliebatur.) Luxuriosam denique et delicatam nutricum vivendi rationem vitiis, in abdomen et thorace ortis, occasionem obtulisse, veresimile est. Quantum in casu primo hernia atque pressio et extensio scroti, ab ea adducta, in casu secundo nutricia officium, tam diu continuatum, ad morbi originem contulerint, accuratius constituere non audeo: ambo certe momenta causalia magnam partium illarum laxitatem producebant, quae inflammationi serosae quam maxime favet.

Causae occasio[n]ales vel minus adhuc nobis notae sunt. Ambobus casibus, in humiditate et frigore, praecipuam vim in partes postea affectas exserentibus, quaerendae videntur; priori casu, meatus in palude et somnus in terra humida, secundo, lotio cum aqua frigida, morbo orienti ansam praebuerint.

Prognosis.

Prognosis hic, sicut in omnibus morbis, sic dictis localibus, diversa, prout morbi indeoles revera primaria et localis aut secundaria et a vitiis universalibus pendens, localiter tantum se prodens, deprehenditur. Quomodo, posteriori casu, morbus lethalis fieri possit, jam antea, (exitus describendo,) exponere studuimus, et quomodo revera lethalis fuerit, hac de re conjecturas nostras jam in epicrisi, posterioris morbi historiae adjuncta, protulimus. Prognosis autem multo melior ubi morbus ceu primarius ac localis appareat, et quamvis tum quoque exitum lethalem contingere posse statuerimus, is tamen sine p[re]via negligentia, curatione perversa, potentissimi nocentibus postmodum haud accendentibus, praesumi vix poterit. Impeditior autem prognosis respectu morae; nam utrisque casibus morbum tardissime decurrere videmus, neque aliis in

inflammationibus serosis decursus expectandus. Denique etiam raro spem concipere possumus, fore, ut morbus penitus evanescat, nullo ejus vestigio remanente. In tanta proclivitate ad coagulationem et vi plastica, quas in exsudato animadvertisimus, facile est intellectu, partem ejus in massam organicam transire, quae pars vix ac ne vix quidem resorberi poterit, saltem non omnis; quemadmodum in genere vitia organica remediis dynamice agentibus nunquam aut raris. simile removeri posse, constat.

Cura.

Quamvis aegroti quam maxime intersit, quomodo medela huic morbo adferatur, medico tamen, praesertim tironi difficultis est expositio rationis, quam in eo, novo quippe et rariori, curando, sequi debeat. Duae tantummodo hunc in finem nobis patent viae: I. ut indicacionibus tum generalibus tum localibus, secundum therapiae generalis p[re]cepta, remediis aptis satisfaciamus; II. ut naturae, optimae ducis, rationem, qua sibi commissa, in sanando hoc morbo, utitur, curiose imitemur. Hac via, de qua facillime aberratur, si constanter incedimus, sine dubio ad metam, nobis propositam, tuto perveniemus. Compertum vero habemus, na-

turam in isto morbo ita agere, ut vel solutionem, vel suppurationem, vel exsudati excretionem moliatur.

Ad universalem valetudinis conditionem primo animus est advertendus; quae cum mirum in modum diversa sit, nil certi hoc respectu constituere licet, nisi modum medendi pro conditionum varietate varium esse. Semper tamen victus parcus, processui morboso, humorum incremento et abundantia se manifestanti, minuendo, optime inserviet. Victus parcitati, quoad utilitatem, purgantia aequiparari possunt, quorum, per intervalla dierum aliquot, repetita adhibitio, salubris videtur. Utrum remedia laxantia refrigerantia, an calefacientia preferenda sint, pro constitutione generali et statu mali localis definiatur.

Quod ad malum locale attinet, primo id agendum ut inflammationi resistatur. Hujus natura, uti memoravimus, duplex est, principio lymphatica vel serosa atque tunc medelam requirit antiphlogisticam moderatam, postea in phlegmonosam converti potest, et tum remedia antiphlogistica validiora indicata sunt. Serius tumoris diminutionem efficere studemus remediis naturam adjuvantes, ut, quam viam ingressa sit, eadem procedere pergit, resolventibus scilicet, aut

emollientibus, aut denique exsudati excretionem promoventibus.

Quum decursus morbi in genere sit irregularis et incertus, haec remedia minus recte secundum stadia fixa disponuntur. Itaque satius videtur singulatim ea pertractare, atque indicationes et tempus iis adhibendis aptum constituere.

Remediis antiphlogisticis localibus adnumerantur hirudines et fomentationes frigidae. Hirudines indicantur tantummodo in acme morbi, quando ad inflammationem serosam priorem, inflammatio mere phlegmonosa accessit; quo casu fieri etiam potest, ut evacuationes sanguinis generales necessariae habeantur. Simul cum hirudinibus, vel post eas, fomentationes frigidae adhiberi possunt; quas per totum morbi decursum continuo applicare, certis duntaxat sub conditionibus licet. Ubi scilicet morbus in tela celulosa sola sedem fixit, ubi organa glandulosa non simul affecta sunt, ubi denique morbus partem quandam occupavit, in qua glandulae lymphaticae nullae aut minima copia inveniuntur, quibus fomentationes frigidae vim nocentem admoveare possent, ibi tantummodo earum applicatio indicata est, quo usque inflammatio aliqua, sive phlegmonosa, sive serosa, animadvertisit.

Remedia emollientia, ad quae cataplastra e pane ac materiis vegetabilibus mucilaginosis et narcoticis, cum aqua aut lacte praeparata, pertinent, locum habent, si post inflammationem graviorem suppuratio expectanda est, ubi ad sanationem universalem promovendam, suppurationem adjuvare nitimus. Quemadmodum in reliquis inflammationibus, lente tardeque decurrentibus, remedia incitantia (principium aromaticum et acre continentia), optimo cum effectu, emollientibus adduntur, ad decursum inflammationis maturandum, ita quoque hic indicata sunt, remediis antiphlogisticis ad solutionem inflammationis non sufficientibus, quibus tamen adeo diminuta est, ut suppuratio moretur. Hic status is est, ubi tumor semper in leniori perseverat inflammatione, nec diminuitur, nec, saltem modo notabili, augetur. Unguenta lenia, a nonnullis quoque remediis emollientibus adnumerata, an adhiberi hic debeant, dubito; cutis nimia patibilitas iis perferendis forte impar censenda, multoque minori quam cataplastra sunt efficacia. Casibus tamen idoneis, ubi sebum cutaneum deest, si caute applicentur, haud dissuadeo.

Remedia resolventia omnia incitando agunt, quamobrem in stadio ultimo tantum, inflammatione jam extincta, commendanda sunt. Un-

guentum hydrargyri cinereum minima inter ea incitationis vi pollet, actionem vero systematis lymphatici plurimum auget; prae aliis igitur remediis resolventibus adhibendum foret. Serius demum, inflammatione omnino exticta, pulvinuli medicinales resolventes, linimenta volatilia, inunctiones spirituosa in usum veniunt.

Sed alia etiam remediorum classe resolutio nem promovere possumus, remediis scilicet tonicis, quorum prosperum effectum facile intel ligas, debilitatem, in partibus antea inflammatis, praecipue autem in tela cellulosa et vasis resorbentibus remanentem, respiciens. Haec remediorum classis locum habet proxime post fomenta frigida, ubi remedia volatilia et incitantia prae mature adhuc adhiberentur. Huc pertinent decocta adstringentia, quibus praeparata lithargyri solubilia, si bene perforuntur, optimo effectu adjicere licet. Remediorum adstringentium agendi modum refert pressio mechanica, salutarem effectum in oedemate et ulceribus laxis prodens; cuius, praecipue in casu morbi priore, vis salutaris conspicua est et, pro univera rei conditione, adhibitionem suadet.

Remedia ad excretionem exsudati promoven dam pauca nobis sunt et incerta, cataplastra nimirum emollientia, ut generatio crustarum in

excretionis loco impediatur, et pressio totius circuitus, ut humores ad excretionis locum dirigantur. Scarificationes alioquin, ad excretionem exsudati oedematosi utilissimae, hoc casu nihil fere praestant, quum in statu cutis inflammatorio vulnus cito, aut prima intentione, aut suppuratione claudatur, et, primis tantum post scarificationem horis, exsudatum emittatur.

Unum adhuc nobis superest remedium, quod quamvis absolutum, iis tamen solummodo casibus adhibere licet, ubi remedia jam memorata omni effectu destituuntur et dolores simul vehementissimi febrem lentam provocant, aut ubi gangraena, (ab inflammatione aut tumore, non vero a causa interna pendens,) aut denique induratio scirrhosa metuenda. Scalpellum hic significatum volo, quo, partibus scilicet morbos ad remotionem aptis, omnia morbosa removeantur, necesse est.

T h e s e s.

- I. Ileus morbus non spasticus, sed paralyticus.
 - II. Sutura cruenta in vulneribus cutis capitis saepius rite adhibetur.
 - III. Sutura cruenta in vulneribus tendinum male adhibetur.
-